

بِسْمِ اللَّهِ الرَّحْمَنِ الرَّحِيمِ

إِنَّ الدِّينَ عِنْدَ اللَّهِ الْإِسْلَامُ



إِلَهَ إِلَّا اللَّهُ مُحَمَّدٌ رَّسُولُ اللَّهِ

KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

05 Juillet 2019

02 Dhul-Qaddah 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor :

« EID PARTY » ?

Ene la honte sa ki ou trouve la Communauté Musulmane après le mois de Ramzaan pé faire bane bel festin et appelle sa « Eid Party ». Après le mois de Ramzaan, nous gagne le mois de Shawwal et 1^{er} Shawwal c'est *Eid-ul-Fitr*. **Eid-ul-Fitr** c'est ene jour de contentement ki Allah (swt) donne bane croyants de la Communauté Musulmane, ene jour kot Allah donne sa permission là pour célébrer le *Eid-ul-Fitr* et sa jour là, Allah (swt) ordonne bane croyants pour manger, boire et montrer zot heureux et partage sa la joie là avec la famille et aussi avec nous bane voisins et camarades non-musulmans, kot nous servi bane vermicelle, gâteau et ena ki partage *Briani* aussi.

Donc, *Eid-ul-Fitr* li ene seul jour de joie ki Allah (swt) fine donne bane croyants après ene mois de sacrifice dans mois Ramzaan. *Eid-ul-Fitr* c'est pour bane ki fine obéir le Créateur et fine faire beaucoup sacrifice pour la cause d'Allah, et après sa ene mois – environ 29 ou 30 jours – sacrifice ki ou fine faire pour la cause d'Allah kot ou fine obéir Allah, même céki *Halal* pendant les onze mois mais pour le mois de Ramzaan, céki *Halal*, Allah dire ou « *Obéir Moi* », et abstenir de sa pendant tôt le matin avant soleil lever jusqu'à soleil coucher. Et ou fine obéir ou Créateur, ou

fine sacrifier céki ou Rab fine dire sacrifier, et ou fine profite ou plisse dans *Ibaadat, Zikr, Telawat Quran*, faire la charité, mange moins, dormi moins, mais *Zikr, Duah, Namaz Farz et Nafil et Telawat Quran* plisse.

Donc, après Ramzaan, *Eid-ul-Fitr* c'est ene jour kot Allah (swt) fine content avec So bane serviteurs fidèles, kot fine montrer ene l'obéissance totale envers zot Créateur. Donc, *Eid-ul-Fitr* c'est ene jour pas seulement de joie et partage bane gâteaux et manger, boire, mais c'est ene l'occasion aussi pour oublier bane rancunes familiales et bane petites querelles et aussi nous tire le *Sadqua-e-Fitr* pour purifier nous l'âme.

Dans ene Hadith rapporté par Hazrat Abu Ayyub Al-Ansari (ra) ki Nabi Kareem (saws) fine dire: « *Quiconque jeûne le mois de Ramzaan et garde six jours de jeûne dans Shawwal, pour considérer comme-ci li fine garde le carême ene l'année entier.* » (Muslim).

Dans ene l'autre Hadith, Hazrat Muhammad (saws) fine dire: « *Garde le jeûne de Ramzaan li couma garde Roza pendant 10 mois, et garde Roza pendant 6 jours [de Shawwal] li couma dire garde Roza pendant 2 mois. De ce fait, li couma dire garde Roza pendant un an complet.* » (Ahmad & Nasai).

Kan ou réfléchi lors sa bane Hadiths là, ou trouver ki ene bonne action, récompenser 10 fois plus. 30 jours de Ramzaan plus 6 jours de Shawwal ; 36 jours multiplier par 10 est égale à (=) 360 jours l'année lunaire de *Hijra*. Comptant 360 jours, celui ki garde le carême gagne ene récompense toute ene l'année. *Alhamdulillah*.

Donc, *Eid-ul-Fitr* li ene seul jour de fête couma mo fine explique ou au commencement mo Khutba et aussi dans mo bane Khutba *Eid-ul-Fitr* ki mo fine faire dans le passé tous les l'année après Ramzaan. Nous fête Eid aussi li purement spirituel ; pas couma la lune *Eid-ul-Fitr* fine vine visible, alors ou retourne dans ou bane folie mondaine, ré-amène ou la vie comme avant. Alors, dans sa cas là, Ramzaan pas fine amène aucaine changement dans ou la vie, surtout de côté la spiritualité.

Par contre, pour bane croyants, Ramzaan aller, zot ressenti ene tristesse. Mais pour les autres ki la foi encore bien faible, zot dans la joie, couma dire mois

Ramzaan ti emprisonne zot beaucoup de zot bane désire et zot l'amusement. Céki bien triste azordi jour, après *Eid-ul-Fitr*, ki ou trouver, surtout à Maurice ? C'est « **Eid Party** ».

Dans mois Ramzaan ena ene innovation – pas conner kot zot fine alle tire sa – c'est « *Iftaar Party* ». Après *Eid-ul-Fitr*, ena kitfois pas pé même réfléchi et pas pé contigner lors sa même chemin ki le mois béni, Ramzaan fine apporter pour zot, dans zot la vie, couma zot fine transformer matériellement et surtout spirituellement et aussi kitfois beaucoup pas fine même reste les 6 *Nafils* après le *Eid-ul-Fitr* [et nous fine fini rentre dans le mois de Dhul-Qaddah]; plito pé célébrer tous les semaines. Nek ou tend « *Eid Party* », ene innovation ki pas ti même exister dans l'époque de Nabi Kareem (saws) !

Beaucoup musulmans pé célébrer « *Eid Party* », couma dire le mois Shawwal c'est ene mois ki reserver en entier pou célébrer « *Eid Party* ». Bane les autres musulmans là nous capave comprend ki zot fine aveugler beaucoup, parski zot croyance lors Hazrat Issa (as) c'est ki li vivant au ciel, le Saint Prophète (saws) dernier prophète, la porte prophète fine fermer, la porte révélation fine fermer, Allah (swt) fine arrête causer astaire, zot croire et célébrer *Urus* de tel et tel *Pirs*, *Chalisma*, *Mawlood*, *Khatam* 8 jours/ 40 jours pour ene dimoune ki fine fini mort, cuit bel *deg briani* avec so bane fruits et invite sa bane *Mullahs* là pour lire, manger, boire et lors là bizin paye zot et ena encore beaucoup innovations ki pas exister dans l'enseignement de l'Islam. Zot mette sa bane innovations là en pratique.

Astaire ou gagne bane Ahmadis aussi pé célébrer « *Eid Party* ». Sa bane là pé prend zot pli bons musulmans, la porte paradis ouvert pour zot, parski zot croire dans Hazrat Mirza Ghulam Ahmad (as) comme le Messie et Mahdi kot li fine défréssi tous bane mauvais kitchoses, bane innovations ki fine rentre dans l'enseignement de l'Islam, kot vraiment dans le passé l'enseignement de l'Islam fine bafouer dans la main de sa bane *Mullahs* fanatiques là.

Azordi ki fine arrive bane Ahmadis ? Astaire-là c'est zot ki fine bafouer bane vrais l'enseignement de l'Islam et céki Hazrat Massih Maoud (as) fine enseigne nous. Zot fine piétine sa bane l'enseignements là en poussière. Zot fine vine pli pire. L'argent pé rentre dans la caisse Jamaat Hazrat Massih Maoud (as). Beaucoup pé faire sacrifice, pé paye zot *Chanda* et contribuer dans bane les autres fonds. Là-

dans, bane à la tête du Jamaat pé mal dépense sa bane l'argent là, bane l'argent ki ti bizin dépenser pour la cause d'Allah, faire travail *Deen*.

Deen c'est faveur Allah Ta'ala à l'humanité. C'est ene mode de vie ki garanti le succès total dans sa le monde là et dans *Aakhérat* (l'au-delà). Tourne le dos avec *Deen* c'est tourne le dos avec faveur Allah Ta'ala kot sa démontrer l'ingratitude envers Allah Ta'ala. Pé prend sa bane l'argent ki ti bizin pour dépenser dans le chemin d'Allah, pé faire grand grand fêtes, grand chapito avec bel décoration, bel-bel menu avec so bane de l'eau vital, jus, boissons gazeuses et so bane déserts et tous sa pour faire bane grand péto là plaisir ; invite politiciens, et ministres et c'est bane grands péto ki ena l'argent même – dans Jamaat Ahmadiyya – ki toujours divant divant pour gagne grandeur devant sa bane les autres grand péto, ministres, députés, politiciens etc.

Tous les temps même figures ou trouve devant, même familles et sa aussi choisir familles et figure pour inviter ; bane ti familles, ti dimounes misère pas présent là-dans. Peut-être si ou trouver quelques-z'uns aussi, c'est bane ki pour servi et lave l'assiette, verres. Bane les autres là non, missiés sa – cravatté, costumer, bien assizer à table, bane serveurs bizin servi zot. Kot nous pé aller ? Eski c'est dans sa chemin là ki le mois de Ramzaan fine amène nous ? C'est bane dimounes ingrat envers zot Créateur, et non pas bane dimounes louable ou appréciable. À cause sa, dimounes ki péna *Taqwa* et pas conne valeur *Deen* et ki pas suivre bane commandements ki Allah (swt) fine mette dans sa *Deen* là, c'est sa bane dimounes là ki détestable dans lizié Allah Ta'ala. Couma ene dimoune capave être appréciable kan li détestable dans lizié Allah Ta'ala ?

Nous bizin être franc. Laisse-moi dire sa pure vérité là. Ene fête couma Eid c'est pour bane croyants ki fine garde *Roza*. Eid c'est ene fête interne dans la Communauté Musulmane. Ene fête ki fine décréter pour bane croyants par le Créateur. Le vrai message ki nous bizin tender sa jour-là, c'est le message de nous Créateur et les enseignements de nous bien-aimé prophète Muhammad (saws). Faudré pas nous donne l'occasion bane politiciens vine salir sa fête là. Sa bane politiciens là zot saisi bane l'occasion coumsa pour vine cause n'importe, critique les autres politiciens et faire bane fausses promesses envers la Communauté Musulmane pour gagne ou vote. Zot saisi nous fête purement spirituel pour vine faire zot politique et tous sa bane musulmans là écoute zot même malgré ki zot gagne crazé avec sa bane là.

Dans nous bane fêtes religieuses couma *Eid-ul-Fitr* et *Eid-ul-Adha*, et le *Sirat-un-Nabi* (saws), bizin pas donne sa bane politiciens là, la parole. Bizin ena le courage pour dire zot garde zot message pour lors caisse camion. Mais malheureusement pareil couma dans les autres communautés ena bane rodeurs boute, dans la Communauté Musulmane aussi pareil, ainsi ki dans Jamaat Ahmadiyya – ena sa bane rodeurs boute là. Zot oulé passe bon avec l'état juste pour gagne zot boute personnelle. Et sa bane rodeurs boute-là, zot trouve aussi parmi bane ki prétendre pli content le prophète (saws). Et si ena ene communauté ki pé gagne crazé plisse avec sa gouvernement là, c'est la Communauté Musulmane. Mais bane musulmans pas pé gagne leçon même.

Sa gouvernement là ignore bane minorités dans sa pays là et li pé favorise seulement ene communauté. Couma nous capave tolère sa bane politiciens là prend la parole ene grand jour couma Eid ? Et aussi ré-invite zot et organise « *Eid Party* », faire zot prend la parole. Sa zot écouter ! Alors là, na pas ena « *so-called politicians* » ou « *so-called promises* ». Kan Allah (swt) envoie So Messenger avec le *Ruh'il Quddus*, zot tourne zot les dos avec l'arrogance et dire li (le Messenger d'Allah) rebel, menteur, « *so-called prophet* », « *so-called Khalifatullah* », « *so-called revelations* ». Par contre les autres zot écouter attentivement kot sa bane là vine cause n'importe, sans respect pour l'assistance. Zot vine faire *Ribat* (médisance) pluto et mange la chair zot camarade dans nous fête purement spirituelle.

Mo faire ene l'appel avec tous bane frères et sœurs de la foi islamique : Pas tombe dans bane innovations, bane *Bidat*, kot pé célébrer « *Eid Party* ». Ena groupes musulmans pé célébrer « *Eid Party* », kot missiés-madames ensam mix avec zommes étrangers et femmes étrangers. Pour alle Masjid, madames faire *Namaz, Jummah*, jour Eid li *Haraam* (d'après zot) ! Là, couma bane madames et filles musulmanes capave ensam avec bane zommes étrangers, péna aucaine barrière et pé amusé ; l'amusement lor l'amusement, bane chants, danses, Qawali etc. ?

Donc, mo conseil à bane ki pé amusé coumsa, et ki fine tourne le dos à bane commandements divine, mo dire, arrête faire fichant avec sa *Deen* ki Allah (swt) fine parfaire là, à cause quelques gains matériels. Peur Allah, pas rende zot « *cheap* ».

Donc, pour ki Allah Ta'ala content avec nous, nous bizin obéir So bane commandements et suivre le *Sunnah* de nous bien-aimé prophète (saws). Donc, tous sa là capave être remédier kan dimounes commence vive pour Allah Ta'ala. Vive pour Allah Ta'ala c'est vive d'après l'enseignement divine. Donc, vive d'après sa l'enseignement là, kot faire dimounes vive couma dimounes – avec la crainte d'Allah (*Taqwa*). *Insha-Allah*.